



Inatsisartunut ilaasortaq Najaaraq Møller, Siumut
/Maani

§ 37 naapertorlugu apeqqummut nr. 2024-69-imut akissut

Inatsisartut Suleriaasianni § 37, imm. 1 naapertorlugu sulisartut nunaqavissut pillugit Naalakkersuisunut apeqquteqarputit.

Apeqqutigineqartut tullinnguuttuni akineqarput.

Apeqqut 1. Kalaallit Ilinniarsimasut nunatsinni suliffeqarnikkut aaqqissuussaasumik atorluarneqarnissaannik Naalakkersuisut siunertaqarnerlutik?

Akissut: Akissuteqarnissamut atatillugu Inuussutissarsiornermut, Niuernermut, Aatsitassanut, Inatsisit Atuutsinneqarneranut Naligiissitaanermullu Naalakkersuisup oqaaseqaatissai pissarsiniarinqarsimapput, imaappullu:

"Aap, inuussutissarsiutinut assiginngitsunut arlalinnut tunngatillugu Naalakkersuisut taamatut iliortarput. 1.a-mut akissummi nassuiaatit takukkit."

Apeqqut 1a. Pilersaaruteqartoqarpat tamanna qanoq pilersaaruteqarfigineqarpa?

Akissut: Akissuteqarnissamut atatillugu Inuussutissarsiornermut, Niuernermut, Aatsitassanut, Inatsisit Atuutsinneqarneranut Naligiissitaanermullu Naalakkersuisup oqaaseqaatissai pissarsiniarinqarsimapput, imaappullu:

"Nunatsinni inuussutissarsiuteqartut pitsaanusumik atugaqalernissaannik Naalakkersuisut ingerlaavartumik suliniutaasa ilaattut ilinniartitaanermut tunngasuteqartut najugaqartunillu sulisoqarnissamik suliniutit arlallit aallartinneqarnikuupput. Najukkani sulisinnaasunik siuarsaanerit piginnaangorsaanerillu periusissianik imalluunniit inuussutissarsiutinut ataasiakkaanut tunngatillugu inatsisinik aallaaveqartarput."

Assersuutigalugu takornariaqarnermut tunngatillugu ikaarsaariarnermi 2023-2024-imi periusissiami qanittukkut saqqummersinneqartumi piginnaangorsaansamik suliniutissat ilaatinneqarput. Suliniutissat aqutitigalugit takornariaqarnermut tunngatillugu ilinniartitaanerit piginnaangorsaasarerillu pitsaangorsartariaqarneri erseqqissaatigineqarpoq, takornariaqarnermummi tunngatillugu sulisussaqaarnikkut nunatsinni annertuumik unammilligassaqaarmat. Tamatuma saniatigut takornariaqarneq aammalu takornariartitsinerimik ingerlatsinissamut akuersissuteqartarneq pillugu inatsisissat aqutitigalugit najukkani piginnittuusarnermut, najukkanut attuumassutit najukkanilu sulisinnaasut atorneqartarnissaannut tunngasut pitsaangorsaaffiginiarneqarput. Suliniutit aallartinneqaqqammersut aqutitigalugit peqataatitsinissaq taamaasillunilu nunatsinni

30-04-2024
Suliap normua 2024 - 99
All. normua. 24109677

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

*inuussutissarsiutinik ineriartortitsinermi isiginnaartuinnaannginnissarput qulakkeerni-
arneqarpoq.*

*Aatsitassarsiornermut tunngatillugu najukkani sulisut sulisorineqartarnissaat inatsisitigut
qulakkeerneqarsimavortaaq. Taamaasillutik Naalakkersuisut ingerlatsinissamik
akuersissuteqarfigineqartut najukkani sulisartunik atuinissamik najukkaniluunniit
pilersuisunik atuinissamik piumasaqaateqarnissamut aalajangersaasinnaatitaareerput.
Tamatumani saniatigut ingerlatseqatigiiffiit atuinissamik akuersissuteqarfigisimasat
isumaqatigiissuteqassapput, tassani najukkani sulisartunik atuinissamut, sulisunik
pikkorissaasarnissanut najukkanilu suliffeqarfinnik atuisarnissamut Namminersorlutik
Oqartussat, kommunit akuersissummillu pigisaqartup akornanni anguniagassat
isumaqatigiissutigineqarsimasussaallutik.*

*Ilanngullugu oqaatigineqassaaq najukkani ataasiakkaani najugalinnut iluaqutaasussa-
mittaaq suliffeqarfiit mikinerit aammalu aallarnisaasartut atugaat pitsanngorsarniarlugit
Inuussutissarsiutinik siuarsaaneq pillugu inatsisip nutarterneqarnissaa
pilersaarutaammat.*

*Nunatsinni inuussutissarsiutinut assignngitsunut tunngatillugu sulisartunik nunaqavis-
sunik atuinernissamik ilinniartitsinissanullu suliniutit assignngitsut taamaasilluni
aallartinneqareernikuupput.”*

**Apeqquut 2. Piginnittuunermut politikkip ingerlanneqarnerani ingerlatseqatigiiffinni
kalaallit ilinniarsimasut aqutissiuunneqarlutillu atorluarneqarnissaannut
aaqqissuussamik pilersaaruteqartoqarpa?**

Akissut:

*Ilisimatitsissutigisinnaavara "Ingerlatseqatigiiffiit Namminersorlutik Oqartussanit
pigineqartut pillugit Inuit Ataqtigiit, Siumut, Demokraatit aamma Atassutip akornanni
isumaqatigiissummi 28. marts 2023-meersum" immikkoortumi inuiaqatigiinnut
akisussaaffiit ataanni takuneqarsinnaammat ingerlatseqatigiiffiit pingaarnertut
allaffeqarfiisa qullersaasalu "...nunatsinni angerlarsimaffeqarlutillu najugaqarnissaat
tunngavigineqartoq, aammalu sulisuminnik nunaqavissunik piginnaanngorsarnissaaq
sulissutigissagaat”.*

*Aqutsinermut allagaatissavik "Naalakkersuisut piginnittuunermut tunngatillugu
aqutsinermut allagaataat 28. marts 2023-meersoq Ingerlatseqatigiiffiit Namminer-
sorlutik Oqartussanit pigineqartut" partiinit isumaqatiginninniarnerni peqataasunit suli
isumaqatiginninniutigineqarpoq partiinillu naammassillugu suliarineqareerpat
atuutilersinneqassalluni.*

*Ingerlatseqatigiiffinni Namminersorlutik Oqartussani pigineqartuni sulisussarsiortarneq
atorfinititsisarnerlu akisussaaffik ingerlatseqatigiiffinniippoq, tassalu ingerlatseqati-
giiffiit Namminersorlutik Oqartussanit pigineqartut atorfinititsisarinnissamut
akissarsiaqartitsinissamullu periusissartik namminneerlutik aalajangersarsinnaavaat,
tamanna ingerlatsineq eqqarsaatigalugu illersorsinnaappat aammalu inatsisit
ileqquusullu malillugit pisinnaappat. Taamatut oqareerlunga oqaatigissavara*

ingerlatseqatigiiffiutitta nunaqavissunik piginnaasalinnillu atorfinitsitsisarnissartik pingaartitarigaat qularutiginnginnakku ingerlakkaat ingerlatissagaallu.

Apeqqu 3. Allanik Naalackersuisut qulequttamut ilassutissaqarpat?

Akissut: Naamik.

Inussiarnersumik inuulluaqqusillunga



Múte Bourup Egede